

鼎石詩集

中

番外書冊

庫	文	閣	内
二六函	三冊	二六三〇七號	和書類

内閣文庫	
番號	和 26307
冊數	3 (2)
函號	206 90



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



鼎石詩集卷之三

淺草文庫

三野山瑛子成著

盟弟

宮田維禎士祥輯

左九成元鳳校



七言律詩

長安春望

煙霞不改，帝王州更見上林春色，浮三輔河山皆壯麗，五陵劍佩故豪遊，東郊日出龍隨駕，北闕天低鳳繞樓，自是繁華堪此地，玉簫金管起城頭。

雙胡蝶

兩兩飛來不作聲，瓊鬢玉羽弄新晴。
竊香花際雙魂駐，傅粉風前對舞輕。
上苑春深偏適意，長門晝靜最多情。
可憐栩栩相狂處，誰証南華夢裡名。

七夕桂樹樓小集得浮字

暮雲吹斷早涼浮，此夕開尊望女牛。
不改佳期天上會，新添搖落世間愁。
銀河影轉秋如水，桂樹露明月似鉤。
吾亦淮南招隱侶，誰知高枕小山幽。

擬夏日侍宴

十二樓臺壯麗懸，含恩此日更朝天。
甘泉獻賦群僚座，蔗水分寒萬乘前。
大液波光迎綵仗，上林樹色擁宸筵。
不須長夏愁炎熱，陪宴還依雨露偏。

九日書懷

艸堂九日感曾遊，濁酒蕭然落木愁。
誰更登高堪作賦，獨將失意好耽幽。
一叢香動黃花色，四壁寒生白雁秋。
遮莫人間知己少，柴桑處士自風流。

幽居

卜居曾倚古崑崙，阿暹暮人間近若何。
只尺雲煙玄豹

隱百年，天地白駒過。晚蘭秋滿香，堪佩寒雁天。高聲漸多，楚客風流吾得似。滄浪休唱濯纓歌。

客中作

十年湖海弊貂裘，更覺悲哉屬倦游。客裡風光聊對酒，天涯夜色此登樓。黃河秋老雙魚斷，明月寒高孤雁愁。自是懷歸歸不得，應同王粲在荊州。

秋日偶作

秋光無處不蕭然，况復挂叢幽。可憐千載人，耽浮白。裡孤亭雁度草玄，前東來嶽色雲煙渺。西望江天風

雨懸，試問淮南招隱後，小山詞賦有誰傳。

至日送人再之豫州

二儀短景入登臺，送別重驚揚柳摧。去客程隨南至遠，征帆影逐北風開。四州天地煙波濶，三野江山雨雪來。聞道炎方多瘴霧，中原目斷不勝哀。

寄清君錦先生

中原彥會憶雄飛，彩筆如君可復稀。自古家聲遺俊乂，到今經術更光輝。劍依北斗搖龍渚，賦著西京壯帝畿。試問洛陽多少士，幾人戰勝已能肥。

中秋前一夕江亭賞月得歌韻

賞月江亭此重過江澄月淨影婆娑寒鴻夜寫遙霄
字隱士秋操叢桂歌玉鏡將圓迷魏鵲金波欲滿泣
湘娥高天萬里如霜色相照愧吾雙鬢皤

秋日芭蕉館即事懷友

幽居賦就卧當深生事百年愁半侵庭際種蕉聽夜
雨門前移柳對秋陰故人無恙青氈座遊子寧堪白
雁音幾日相思不相見緘書何處問浮沈

釣父

羊裘獨釣碧江干誰作嚴陵往昔看朝擲長綸訟古
岸昏移短艇下回灘煙鷗霧鷺身常伴野釣邨醪懷
自寬此地何關勞物色生涯七尺舊漁竿

寄林君彥章

巍然文物動神京君自風流雅識名彩筆吐虹雲
掛闕紫簫吹鳳月浮城壯遊曾入登龍會故態猶餘
附驥情尺素病來雖久絕天涯豈不望金莖

送人之南吳野

蕭蕭匹馬向吳門看爾前途練影翻大海晴雲含落

日高城佳氣擁雄藩琵琶含怨橋邊斷寶劍韜光廟
裡存縱使遠遊心漫壯客居何處不消魂

秋日旅懷

江上西風夜正闌歸舟萬里一何難白雲路阻鄉關
夢明月秋高澤國寒只有孤鴻過伏枕更無雙鯉問
加餐寄言同學諸年少念我天涯鬢欲殘

九日餐菊亭雨集得寒字

清尊攜客共憑欄無那登高作賦難落帽已迷千嶂
雨授衣偏覺九秋寒朱萸山上誰能插黃菊籬邊自

可餐斯日聊斟佳節酒滿城愁色醉中看

漢高廟

漢帝荒祠倚暮雲交羅松栢自氤氳千秋已盡英雄
氣四海曾看龍虎軍澤裡斬蛇天授定關中揮劍地
圖分大風吹動山河固豈似沛宮當日聞

送五臺山人還浪華

山中從一寶車過逝水悠悠對鳳河賦別今宵三野
雨催歸明日五湖波臨關紫氣望來散布地黃金到
處多邱壑風流如記得重尋秋興滿巖阿

九月十三夜凌雲軒雨集得賓字

挂樹秋深長水濱，憐君此處趣殊真。
歌仍白雪堪驚世，家自青山好謝賓。
節後菊花聊對酒，望前雨色黯愁人。
勝遊何厭蒼茫夜，賦裡故看明月新。

秋夜遊崔林精舍同諸子賦得閑字

蕭瑟空山翠霧開，秋風吹月度崔嵬。
楚王壇啟蟾蜍轉，霸主城荒狐兔哀。
自是論玄心不染，且緣吊古恨難裁。
百年天地終泡沫，可信人間有劫灰。

秋日作五首

柴門無恙舊山河，石徑斜通少客過。
慘澹浮雲秋不斂，蕭條落木晚偏多。
憐才已老彫蟲伎，避世長嗟衰鳳歌。
此際堪耽高臥興，功名千載竟如何。

江邨無處不蕭森，散髮披裘徒自吟。
落自蹉跎天地色，秋風感慨古今心。
振衣雲外三山迥，繡史霞中二酉深。
勿怪衡門常謝客，人間同調奈難尋。
水邊亭子古城頭，每見長河抱檻流。
白露天清明月夜，斷鴻聲冷碧波秋。
潛夫論出蹤愈遠，招隱篇成興更幽。
百載乾坤為底事，江湖原自有扁舟。

孤城秋色晚，霏微屈指乾坤。知己稀，斜日偏窺翰。
落白雲常傍，據梧飛風塵。自負文章業，邱壑堪裁薜。
荔衣此意，欲論方外客，不妨霜葉滿巖扉。

憶會少壯，帝城偶為客。頻年混酒徒，獨去冥鴻寒。
色合高飛，鳴鳳夜雲孤。慵將霜鬢臨明鏡，堪把冰心
對玉壺。回看故人淪落劇，終教踪跡沒蒿蕪。

和司馬元貞見寄元貞好所謂俳諧者故第三句及之

珍重鴻書，下鳳河同鄉。其奈索居何，齊諧聞爾常。耽
句楚調，羞吾難和。歌蒲柳，衰容雖促，老松蘿，孤館足。

供病將來長為存，交誼期見高軒。屢此過

蒼松篇壽張藩人七十

黨天松樹鬱蔥蔥，况復蓬萊咫尺通。偃蓋夜銜雲表，
露高標朝拂日邊。風在陰鳴雀，雛相和蟠地。老龍勢
自雄，持此千秋堪作壽。可知寒操與君同。

春初送申文英之洛陽

行矣春風天，一涯洛陽。文物競繁華，千秋業借青雲。
壯萬里心懸白日，賒倚劍忽搖龍渚。氣裁章還駐鳳，
城霞知君此去。龍飛意應及上林，三月花。

次韻岡蘭夫見寄

多病頻年懶報書，誰尋負郭一茅廬。
朱絃自許高山色，玉案遙投落日餘。
天地雨曹憐海嶽，古今吾道屬樵漁。
側身西望雲千疊，愁殺交歡已漸疎。

青松篇壽令府坂君七十初度

蒼鬱青松鳳水濱，盤根偃蹇坐氤氳。
鱗成夜動蒼龍氣，蓋暗時迎白雀群。
凝露千年餘玉液，呈祥五色映春雲。
此中更見神仙尉，好駐壯顏堪伴君。

偶成

愧吾功業老無成，華髮皤然鏡裡明。
世上難醒蕉鹿夢，人間易感轍魚情。
寧於懷璧勞三獻，不若持螯了一生。
自是柴門春色遍，好將醉態付啼鶯。

梅雨中卧病

幾旬淫雨未全收，黯澹煙雲咫尺愁。
枝重簷梅黃漸，標陰深壑竹綠將流。
懷病自棄千秋業，屏跡何妨五月裘。
欲債隣童賒酒去，不知囊底有錢不。

頽桐花

一從桃李歇春妍，更有頽桐花灼然。
乍訝霞標臨戶

起還疑火齊，傍窗懸赤烏。朱鷺飛將舞，猩血燕脂添。
不羶嬌態何愁，三伏暑凝粧。獨立九陽天。

金錢花

穠花常與玉簪親，一樣金錢鑄出新。點點風磨都有
色，媽媽雨洗自無塵。栽來堪擬雙南美，移得將誇九
府珍。只在寒邨窮巷下，恨君不濟野人貧。

同諸子遊篠田氏宅得閑字

一入青山思杳哉，繞樓形勝倚崔嵬。牛江波浪迎秋
動，鹿野風煙送雨來。賦自凌雲天地合，人猶抱壁古

今開非君能借登臨，興我輩何緣信宿回。

哭江邨孔均

訃書遙落自雲衢，驚汝膏肓病不蘇。地下修文名已
隔人間，遺艸跡空孤。乍疑滄海亡龍種，還怪青青失
鳳雛。一遇豈堪千載別，中原西望轉長吁。

次韻岡蘭夫

芳艸萋萋負郭居，故人停駕暫踟躇。青山一日情相
適，華髮千秋感有餘。微我舊歡終黯澹，留君高興自
裕如。可憐此際窮愁甚，老矣虞卿懶著書。

宦林精舍送麟上人東都
山中芳艸映珠樓非是王孫賦遠遊衣裡明珠光豈
晦關前紫氣影將浮六環高控芙蓉雪一鉢遙分滄
海流聞說東都多長者布金幾處待君留

春自閑居二首

江頭亭子對巉崑中有幽人思不九雲抱輕雷連晚
岫風吹細雨傍春帆前山薇老誰應採後苑花飛鳥
自銜好箇生涯何所作田園日涉荷長鏡
誅茅穿徑卜巖菴門外寧停長者驂幾樹紅花凝暮

霸一溪碧水漲春藍邨醪取醉情將放山屐隨行勝
可探遙憶滄桑人代變即今贏得卧遊耽

穀自作

江南穀自卜新晴坐見韶光艸際生風暖竹蹊鶯語
滑泥乾柳巷馬蹄輕彫龍已老揮毫意捫蝨猶餘被
褐情更有邨翁來往熟相迎欲共話春耕

鸚鵡

西域靈禽性最聰鸚鵡鴻孔翠豈相同一從嬌語昇金
殿終使竒姿閑玉籠隴樹魂迷千里月秦樓夢斷五

更風非君能得紅條絆誰識禰衡詞賦工

次龍潭老師見寄韻二首

妙偈原稱社裡雄玄談揮塵萬緣空蒼龍聽法祇園
兩白馬馱經蘭若風七寶靈壇依漢起三花珠樹與
雲通知師常念西方意攝取何疑彈指中
門無車馬送迎賓堂有信心解脫人芳艸幽蹊蹤自
遠白雲青嶂興相親唯聞啼鳥和鳴磬或見餘花傍
岸巾倘使伊蒲為訊問論玄同對上方春

玉蘭花

檀心蠟萼迥相知巴峽曾傳一種奇月出仙娥爭素
影雨來神女妬芳姿水晶簾冷堪憐處雲母屏寒欲
睡時日暮春風吹不已或疑化雀向瑤池

愛妾換劍

神物由來舉世驚明珠千斛價猶輕香閨夜望豐城
氣霜鏑朝迷下蔡情秋水魚腸光自合春雲蟬鬢恨
難平紅顏無那承恩薄輸却芙蓉三尺英

僧某次予舊作韻見贈再次原韻謝答

六環飛下鳳河濱縹緲祇林霽色分曠界三千輝惠

日梵鐘百人散暝雲牀頭揮麈譚何盡臺上講經才
出群相遇忽投瑤艸贈欲酬羞我不如君

春燕

差池燕子漢皋濱恰是羣鷗入塞辰翻翅斜穿花徑
兩銜泥高拂画梁塵烏衣邂逅新夫婿紅線慙慙舊
主人憐爾去來長不夾興亡對說幾回春

和司馬子紀

故人家在摘田隈登眺西風入座來客為佳招期日
到宴邀高興駐吾催裁詩忽動雙珠色題扁共推二

妙才遙夜清筵歡不盡蘭燈花冷落還閑

北海先生將赴虞城在駕弊廬賦此呈上

陰陰風樹鳳河傍九月寒生一艸堂忽喜高人垂眷
顧可知吾道屬清狂山含霽色東南秀水送寒聲日
夜長賦就自堪存舊雅連宵莫厭醉壺觴

岐山懷古三首

占斷濃陽第一峯中興將畧竟無蹤江頭曾壓三千
弩澗底今聽百人鐘天定星文消劍氣山留雲影捲
軍容太息鳳河龍戰地淒風處處入楸松

慶長形勝傍煙塵山野蒼茫悒愴神唯為嗣君違帶
礪終教大駕渡江津一時敢辨賢良疏三世自亾
社稷身斷碣空餘洲渚年年誰復薦青蘋
霄間擎出玉芙蓉千尺危梯翠且濃陰壑風腥藏鬼
魅幽崖雲暝起蛟龍天連北越山形險地接南吳驛
樹重此日登臨堪吊古晚煙深鎖上方鐘

夢遊天台山同諸子賦限韻標橋飄簫驕

赤城霞起擢高標絕澗何年石架橋山聳千尋飛瀑
掛天含五色慶雲飄瑤霄鬢鬢應真錫玉洞依佈仙

子簫夢裡神遊塵外境覺來猶欲向人驕

呈上金龍上人

金錫遙飛汗漫秋逢迎幾處接風流五湖落日浮玄
後三野青山停白牛說法曇花飄席上裁詩明月滿
牀頭偏忻惠遠能容我欲學宗雷同社遊

咏雁來紅

鴻雁聲哀艸樹荒還看葉葉曝秋暘黃龍近向階前
躍絲鳳時迴樓上翔仙女裁成雲母扇天孫繡出鬱
金裳曾稱十樣西風錦誰復擁來歸故鄉

詠煙艸

曾自閩南名迥聞剪盛銀盞借氤氳關門怪望真人
氣巫峽疑看神女雲彤管吹來眠始覺玉壺擊去酒
方醺尤憐翡翠樓頭興多少連環空裡分

中秋無月同諸子賦

懶攜尊酒倚南樓天上桂花濕不流感入悲哉宋玉
賦宴非蔚矣陳王遊廣寒已失浮槎路午夜暗搖搗
練秋縱是嫦娥能負約銜杯應到五更頭

望海

八月長風萬里吹海門一望渺無涯即知夫子乘槎
處還憶神人驅石時鵬際驚雷搖地軸鼇頭落日浸
天池更能堪作觀濤興七竅誰今欲鬪奇

遊霍林精舍作

幽訊山林閑士房攜尊裁賦也何妨寒煙十里河名
鳳老樹千章石化羊梵唄聲隨啼鳥落浮屠影出暮
雲長人間總識滄桑感吊古尋今思渺茫

李冬夜諸子至同賦得陽韻

自關西園擬辟疆簷梅取次入杯香玄譚一夜人如

王文史三冬髣似霜老懶何論他日計餘酣再羨舊
時狂風流更有諸賢在歲晚非關世上忙

次服美仲二抹寺集示司馬子紀韻却寄二首

鷲嶺遙懸五色雲雲中塔影雁行分躋攀訪隱盟猶
在眺覽避喧思不群名達明經揚伯起詩餘清瘦沈
休文高筵幾日得相伴萬壑秋聲與爾聞

蒼荀花開映暮雲上方秋色雨餘分幽尋期日人探
勝彥會當宵星作群寶地不論浮白態淨園何害殺
青文憑欄况有凌霄調賴遣吾曹下界聞

咏笋

渭川千畝遍甘霖漸見分行出故林金籜齊穿軍士
甲玉萌駢插侍臣簪傍藩時怪紙羊觸隱霧或疑虎
豹深更遇南風吹翠日期君長作鳳皇吟

伊藤士善文學將赴東都途中宿嘉納驛宮田
士祥邀宴席上賦呈之

驛樹雨連嘉納城城頭尊酒駐君傾三春預報鴻魚
信四海今看兄弟情白髮偏羞耽賦筆青年自重擅
寸名此行千里東都道豪興何人得共爭

山亭初甚

吾生非是羨輕肥，鳥几蕭然對翠微。
峯疊青螺分夏景，江浮白練映斜暉。
斷橋幽徑無人過，薄霧輕煙有鳥飛。
將貫邨醪供一醉，杜鵑花發古巖扉。

關邑司馬氏，斯柯亭宴集，倍北海先生同諸子。

賦示子紀

關上高亭澹夕陰，陪筵詞客此登臨。
一時同借持螯興，千里難同附驥心。
劍合雌雄雙霓動，賦凌今古五雲侵。
風塵何到歡娛地，但恨留連日未深。

咏牡丹應洛陽人索

一種名花壓洛陽，原聞魏紫與姚黃。
風微庭院嬌斜暈，月落階除怨曉光。
國色偏憐春後吐，仙姿還見雨餘香。
至今喚做傾城美，敢問明皇宮裡粧。

遊小房山途中口號

春蒸十里雨餘霞，拾翠行隨野徑斜。
燕語鶯歌堤上柳，蜂狂蝶舞岸頭花。
小房嶺對岐山出，長柄川連桑海遐。
總為風光能誘我，嗟行終日不還家。

九月十三夜左元鳳宅同金龍上人及諸子賦

得六麻

山月秋深處，士家高僧時。駐白牛車雁，鴻天啟群應。
數窠鹿夜闌，聲不賒。漸見銀河沈，戶牖轉知王露映。
袈裟閒庭况，有餐餘菊却怪黃金布作花。

水中樓影

縹渺高樓勢，若何影沈水底。自娑婆傍階，欲奏湘靈。
瑟窺隔將拖淵客，梭三尺珊瑚簷隙映。幾艘舟艦，檻
稜過潮頭，怪見冰夷窟寶塔擊來，倒出波。

關邑田君明宅宴賦贈主人

秋風有約共追尋，聖酒玄譚興不禁。邑關千家關自
古，山圍三面境殊深。對尊何問高陽侶，揮麈兼聞正
始音。此日登臨清賞足，憑欄更和自雲吟。

奉呈肥後侯有引不錄

君侯千騎出東方，關外山河上路長。三野秋雲停旆
節，九州佳氣迓驂驪。驛松爭借雄風響，湖水行看明
月光。料識歸藩多暇日，觀濤不待侍臣章。

次韻關邑原玄同見寄

平樹千章自鬱森，屏蹤唯任逸人尋。閑中窺得青囊

錄醉後彈來綠綺琴火棗交梨於世試高山流水為誰深關門不鎖鴻魚信賴使吾通物外心

賦松雀篇壽仲兄士真六十初度

庭松幾載託蟠根已見仙禽弄影翻蒼蓋風隨琴瑟和縞衣霜入酒色繁雨昏縱借秦皇爵月淨何求衛國軒汝輩為能稱上壽逍遙長此保兒孫

寄題三原宇都宮生潮鳴館

峻嶒高館海城前半罩炊煙半水煙山勢排空皆北列潮聲撼地自南懸幾人爭筆玄虛賦有客避喧曩

倩賢遙識此間堪吏隱何須方外問神仙

暮春紀公淵宅宴集同諸子賦得十一真岐山一名

一石山

白髮誰憐月益新相逢堪共惜殘春城頭一石山來雨江上千家花委塵把酒何論題鳳客寫經時見換鷺人深知塵外多佳趣莫說魯褒錢有神

暮春宮田十祥宅值凍滴師自東武歸西京席

上賦此呈之

忽聞神足自東方偏喜隨緣借末光滄海幾年迴杖

錫郡城斯日滯津梁參禪欲闖醍醐味搜句堪斟般
若湯莫道歸京春已盡花園蒼苔待君芳

咏蚊

一團清露未曾嘗常齧肌膚滿肚腸昏黑催時成陣
出曉紅浮處解圍藏微形良撲蒲葵扇利嘴堪穿絛
絡裳嗟爾前身水中物何如誤爲火攻

吊織田塚并引

織田塚者蓋距岐山二里許在上嘉納邨中有
塚無碑相傳是織田信長與齊藤道三爭雄之

時合葬戰士之處也遊魂爲變每濕雲陰雨輒
墻間有戰爭之聲里民驚告雲外和上和上乃
作一偈薦拔焉其怪長絕丁酉春金龍上人原
葬圓德寺內且欲揄揚其偈誦之奇絕顯明其
功德之廣大立碑勒之垂諸不朽云
永祿煙塵誰也知蓬蒿沒徑一邱遺冤魂昔散高僧
偈頌石今成戰士碑寺動鯨音鐘且暮天銷龍氣劍
雄雌百年都是東流水唯有青山似舊時
五月送山士諧重之西京

江上佳辰殷石插薰風告別望皇州泛蒲香向尊

前酌折抑情於遂裡愁五月披裘歎我老三年負笈

壯君遊預知避暑期相近第四橋邊慰淹留

寄題服士迪峨洋閣練溪五老峯峩洋閣之名勝

閣在高山流水陞峩洋默契兩相宜川牽組練諸溪

合峯疊芙蓉五老歌咏出新詩人寡和彈來古調孰

應知登臨使我重攜手千載豈言無子期

夏日左元鳳至喜而賦之

松蘿之館鳳河隈亭午聊銜避暑盃簷鵲一聲人忽

至溪鱣六月市相催推窻蘋末涼風起憑檻樹梢罕

翠開吾輩何須近薰灼浮瓜沈李興悠哉

中秋無月

三五清光何處求徒教冷雨灑南樓山前暝色雲埋

樹江上哀音雁下洲夜靜蘭燈明可借天空桂鏡影

難浮人間斯夕悲哉甚望斷廣寒宮裡秋

十六夜夜半月稍清明次嚮山中士諧見寄韻以

謝答

江山萬里隔同盟重上南樓望帝京鴻雁傳書人

兩地芝蘭論友漏三更雨過良夜纔催霽月到中霄
初散明鳥水秋光雖信美懷歸應自不勝情

丁酉秋上岐山有感作

調馬埭射鵬場在山上

登臨山上古城樓霸氣當年黯澹休調馬埭寒黃葉
晚射鵬場冷白雲秋依倚鰲井無人汲零落屨廊香
鹿遊往事蒼茫多少恨長河如帶入眸流

賦鴨水弄月魚寄草廬先生

東山暮色倚臺時明月蕭條入酒卮雪映鳳樓還有
影珠沈鴨水自無疵梁園授簡秋先試趙氏連城夜

或疑非爲風流能愛客何人更復此追隨

海樓賞月

夜色高樓海一隅已看明鏡出雲衢鴻書月下千文
字蚌吐胎中兩顆珠漢使槎浮星可犯秦皇橋架石
將驅杳然非是人間賞漫與題詩傾玉壺

十六夜對月

銀河斜映碧瑤璃江上清光過望竒月下厭看撐影
樹春前曾待釀花枝蓼汀蘋渚舟堪泛野寺山房門
可推吟步曳筇情不極何辭零露濕裳滋

古戰場

平野蒼茫罷戰爭，愁看殺氣入秋橫。
月昏鬼哭秦殘壘，蓬斷狐嗥漢故營。
陵谷千年終有恨，山河萬古總無情。
髑髏縱是英雄士，更向何人問姓名。

歲晚寄長安平師古

歲晚山中一弊廬，長安西望獨躊躇。
盧門高士名方盛，鼎石散人髻漸疎。
裁賦並傳濡墨業，懷疴久廢締交書。
遠遊他日容延接，適得春風慰索居。

御溝新柳

宸庭餘雪漸將消，已見韶光入柳條。
嫩葉籠煙臨御水，柔絲含翠拂銀橋。
楚宮輕舞纖腰弱，漢殿新妝黛嬌。
不管人間怨離別，還教佳氣日邊饒。

賦早春殘雪

江天一碧漾春澌，兩岸雪殘花信遲。
畝畝種來雍伯玉，山山画出馬良眉。
還知灞上跨驢後，空憶剡中迴棹時。
誰爲餘寒猶料峭，欲將鄰律倚樓吹。

春日宮田士祥看雲栖集分體得七言律刑韻
看雲栖敞郡城間，高會憑君此解顏。
市井斜連岐下

府驛亭遙接信中，山一籠梅，並迎人動半鼎，茶烟占暖，開盃酒兼誇青眼，侶浩歌連飲，共忘還。

左元鳳金谷街別莊同諸子賦得十三覃

昨夜飛鴻報一函，迎吾別墅篠隍南，宴同金谷盃無罰地，接龍山春可探，疎放態非關，世態風流譚足傲，時譚老來能為耽，行樂淹坐何妨酒作酣。

茶室口號

非是維摩方丈禪，點茶笏室興殊玄，休論南國餐英客，堪擬中零品水仙，腕面凝光香雪泛，窻間籠影暖。

雲連閑庭况有松濤起，清韻和來入鼎傳。

春晚常在寺，集山士諧攜具得十三元。

東南嶽色擁祇園，臨眺巖花滿地繁，池古鳴蛙隨梵磬，境閑啄木叩山門，嶺頭雲斲初收雨，簷外泉懸欲問源，幸為君攜般若趣，醉吟相和坐黃昏。

送人之芳野看花

遙聞芳野幾崔嵬，千樹櫻花今作堆，拂雪朝過行者阪，入雲宵卧藏王臺，壯哉君擅周遊志，老矣吾難濟勝才，到日應須多感慨，陵園依舊闕莓苔。

同金龍上人及諸子遊小房山得二蕭

小房山色鬱岩崑中有名藍自寂寥孟鉢飛來乾竺
國樓臺擎出碧雲霄崖前風樹迴攔戰塢外雨花侵
座飄此地紅塵都不到杳然俱對夕陽饒寺有一鉢傳言釋尊

所持而自西域飛來

仲夏圓德精舍集得十一真

城南曾卜梵王輪祇樹清風興自真香界常修無漏
法人間暫滅有為塵松垂翠蓋蟠龍老笋脫錦綉稚
子新今日隨緣趺坐地俱依正受愧斯身

閏七月十六日遊唯敬精舍同諸子賦呈剎主

默湛師

上方秋色葉飄初幽討談禪意澹如望後月窺龍象
窟閨餘涼早苾芻廬芬陀妙偈塵無染般若香湯座
不虛吾黨由來耽勝果憑君漸覺世緣疎

左亢鳳自京歸訪余余時伏枕賦此兼謝嚮見

寄之意

謝汝慙懃訪艸堂抱衾擁被亦何妨風吹松葉颯如
雨月照苔痕淒似霜欲報老情詩有債擬忘憂思酒

無腸寒庭纔見梅花發笑指南枝數點香

冬日聞某文學投宿嘉納驛宮田士祥宅力病

往訪席上賦呈之

鹿野城中岐府傍聞君躔此滯歸裝重裘駕病尋盟
舊搜句同歡憐興長盤臂黃柑南國果甌烹綠茗北
園香淹留何必悲非土自有山河似帝鄉

冬日森求玉宅同某文學及宮田士祥左元鳳

分題得雪美人八庚

婀娜佳人如有情六花工製靚粧清寒姿須入珠簾

侍冷艷非臨寶鏡成漢殿香燒魂乍返楚臺雲散夢

何驚一輪紅日三年後只恐為泥失寵榮

又雪佛

不塑不鎔丸雪成依稀天竺古先生伽衣何借施金

碧毫相偏如刻水晶塵飯供來童子戲香花恠得老

夫情應觀四大元空假俄頃分離歸上清

鼎石詩集卷之三終

